

СССР-н Деед Советин сессий секгдлгън

СССР-н Деед Советин тавдгч хуралтин хойрдгч сессий декабрин 22-т Москвад кӧдлмшӧн ӱклв.

Кремлевск Ик Бӧӧшнӧгин заседаня залд, ӧрүн 10 часла, Келн-ӧмтнӧ Советин негдгч заседань болв. Эи цагла, Кремлевск театрин залд Союзин Советин заседань болв.

Заседаня залд депутатирас талдан, олн гиичр, дипломатическ корпусин члед, советск болн газадин орлудин журналистир бӧӧцхӧв.

Келн-ӧмтнӧ Советин заседаньд, гарч одсн депутатирин орчд депутатир сунӧгългъна тускар мандатн комиссин доклад сонӧсгдв. Келн-ӧмтнӧ Совет, мандатн комиссин докладиг батлад, шинӧс сунӧгъгдсн депутатирин элчлгъиг чикд тоолв.

СССР-н Деед Советин хойрдгч сессийин кӧдлмшин дарагъинь болн куӱндх тӧринь хойр палатсин онц-онцдан болсн заседаньд нег дуугъар батлв.

Куӱндгдх им тӧрмӱд орулгдв:

1. 1959 джилӧ СССР-н Государственн бюджетин туск болн 1957 джилӧ СССР-н Государственн бюджет куӱцӧгдлгънӧ туск.

2. Бӧӧдлд-джиргъллӧ школмудин залгълдаг батруллгъна болн орн-нутгт эрдм-сургъулин системиг цааранднь делгрӱллгънӧ туск.

3. „ССР-н Союзин болн Союзн Республик-син голлгч уголовн законодательствин законмудин проектн туск“, „Государственн ӱул гаргъхла уголовн цааджлгъна туск“, „Дӧӧнӧ халхар ӱул гаргългъиг уголовн цааджлгъна туск“, „ССР-н Союзин, Союзн болн Автономн республикт заргъ келгънӧ туск законодательствин йос токталгъна ул“, „Дӧӧнӧ трибуналин туск положень“, „СССР-н болн Союзн республикт ӱул гаргългъна заргъин йос токталгъна ул“.

4. СССР-н Конституцин 48-ч болн 83-ч статьяст немӱр орулхин болн онӧгдарулхин туск, СССР-н Деед Советин Президиумин Указмуд батлгъна туск.

Кремлевск Ик Бӧӧшнӧгин заседаня залд, 11 час 30 минутла СССР-н Союзин Советин болн Келн-ӧмтнӧ Советин хамдан кегч заседань секгдв. Залд кесг олн гиичр, дипломатическ корпусин члед, журналистир бӧӧцхӧв. Коммунистическ партин болн Советск правительствин гардачриг Президиумд гарч ирсиг депутатир болн гиичр шуугдж альх ташлдж тосцхӧв.

Куӱндх тӧрӱн тӧрӧр сессий куӱндврӧн ӱклв.

1959 джилӧ СССР-н Государственн бюджетин туск болн 1957 джилӧ СССР-н Государственн бюджет куӱцӧлгънӧ тускар СССР-н финансин министр депутат А. Г. Зверев доклад кев.

(ТАСС).